

續修四庫全書



《續修四庫全書》編纂委員會編

續修四庫全書

上海古籍出版社

七一七・史部・地理類

周莊鎮志六卷首一卷〔清〕陶煦纂

南潯鎮志四十卷首一卷〔清〕汪日楨纂

杏花邨志十二卷首一卷末一卷〔清〕郎遂纂

周莊鎮志

〔清〕陶煦纂

據華東師範大學圖書館藏清光緒八年元和陶氏儀一堂刻本影印原書版框高一八〇毫米寬二五八毫米

周莊鎮志

附庚申見聞錄

光緒庚辰季冬開
雕壬午孟冬工竣

序

余宰元和最久得其邑之賢士大夫游聞周莊陶君子春開戶著書是不入城市蓋隱君子也歲辛巳余以事赴鄉時擬修新志而邑乘久缺苦無依據從陶君處得舊志

周莊鎮志序

君適他出未獲良晤心益嚮往今夏陶君以所作周莊鎮志見示屬為序言以弁簡端余受而讀之其紀載詳明按羅富而有體例仍復謹嚴有合於古人志乘之義不獨彰典不忘可以備一方之掌故而擇之

尤雅庶幾佐使者之輜紵將未縣志之修即可藉是偏以為考核其倘選厚惠為至窮已至其筆墨之博綜其核簡潔明備讀者自能詳之固無俟余言之贅述也是為序

周莊鎮志序

光緒壬午六月

賜進士出身

誥授中議大夫三品銜補用府知元和縣事年愚弟陽聲先頓首撰



周莊鎮志目錄

卷首

凡例

圖

卷一

界域

水道

勝蹟

物產

卷二

周莊鎮志目錄

公署

附善局

第宅

橋梁

卷三

祠廟

冢墓

附坊表

卷四

風俗

人物

卷五

列女

流寓

釋道

卷六

雜記

周莊鎮志目錄

十一

周莊鎮志卷首

凡例

一 周莊鎮在蘇州府城外東南六十里元和縣之一隅也西南毗連吳江縣界東接松江府之青浦縣界跨兩府三縣其風土人情物產有非府縣志所能詳者茲將本鎮及四圍附近六七里之鄉村采輯成編以備一方掌故第末學寡聞尚多呈漏闕者諒之

一 吾鎮向有章騰龍貞豐擬乘成於乾隆癸酉至嘉慶戊辰始得陳總增輯付梓陶金梭撰周莊志亦止於乾隆甲申且未脫稿自戊辰至今已閱七十餘年其間人材輩出聞見日增

周莊鎮志卷首 凡例

十一

苟無紀載必致湮沒不彰是編戊辰以前悉本擬乘復采府縣各志戊辰以後廣搜故家譜牒碑誌及徵之父老傳聞詳慎纂錄

一 周莊巡檢司所轄八都一百三十七畝界域遼濶且俱在鎮北及西北隅而鎮西南與附鎮東南隅者皆非所轄茲就近鎮六七里內蒐錄不以巡司所轄為限惟都畝鄉里村鎮橋梁則全附焉以備稽核

一 此地湖蕩紛環港浜疊出茲以本鎮水道詳載於前復以近鎮大湖之著名者分列於後其鄉村支河概未之及
一 鎮小且僻勝景寥寥然近水遙山平林脩竹春秋佳日雅足

流連自前輩創爲八景著之詠歌迄今不絕至古人遺蹟皆確有依據非裝點附會者比因並錄之而前人攬景記事之作或詩或文間附一二於後

一物產惟載近地所出者其有向係誤傳卽爲更正至製造之法間亦附及

一凡設官防遏者謂之鎮周莊自康熙元年設千總一員十三年改設把總外委各一員乾隆二十六年始設巡檢司同治十一年又設淞南營水師茲於公署後將巡檢司淞南營原奏章程悉爲附錄而公所善局亦載焉

一第宅必係名人所居或爲前輩社集之所著有詩文傳播當

周莊鎮志卷首 凡例

時始行采錄

一鎮本水區橋梁頗多無論大小均爲列入惟鄉村略約無名可紀故但存石橋之有名者

一祠廟本祠祀廟宇併作一部不另立寺院者倣洪亮吉淳化縣志例也至各志多不載尼庵而吳地後記有尼寺院故並錄焉

一冢墓皆屬古人之彰彰在耳目前者或係墓碑近時出土而藉其人實有可傳之事卽爲采入其坊表亦附後

一鎮之界域元和爲主而風氣則於吳江爲近卽一縣內之俗尚亦或不同茲擇其合於鎮者載之

一人物據府縣志及擬乘所載復博采於他書而近世之人則廣稽輿論必確鑿可稱者乃爲列入惟志書人物率皆分類今以人數無多故仍合而爲一

一擬乘所載列女未旌者多陳氏增輯時轉有遺脫自同治開設局采訪遂使潛德幽光靡不闡發茲編於擬乘外悉本照所采報者間從各縣志及旌表姓氏錄增入其續有所得并未旌者別爲補遺以附焉

一流寓必其人居此已久始爲著錄若偶焉託足或無確據可考者概不濫列

一釋道因寺院屢經興廢俱無遺籍可稽茲就擬乘所載復采

周莊鎮志卷首 凡例

各志及近世者錄之

一雜記府志分類爲六而他志亦多有分類者茲因事蹟無幾恐類多則歧類少則有不類及無類可從之事故第以年代爲次也至咸豐庚申以迄同治甲子粵賊竄踞官軍攻剿別有庚申見聞錄二卷亦同付梓故記中不贅及

一是編部次原本擬乘而併其沿革地界爲界域八景古蹟爲勝蹟廟宇祠墓爲祠廟而冢墓獨立一部冥果異聞俱入雜記詩文卽附各部中倣范成大吳郡志例也此外所增者惟公署第宅並卷首諸圖而已

熙自甲戌歲承乏府志采訪之役凡屬元和者均躬歷其

地而於近鎮六七里內尤詳審搜羅欲因是以輯鎮志蓋
府志有定例人地事物必擇其尤著者載之而鎮志則凡
略有可稱者皆節取也初脫稿商諸楊明經引傳多所是
正而斟酌損益則從弟然爲最力至始終校錄兒子惟增
惟祗任之經四易稿而後成卷首諸圖八景則弟燾所繪
鎮及村則兒子惟坡所繪適前年籌助豫賑鎮中舉行茶
捐繼復移動晉賑直賑賑事竣因請於錢太守卿鉢以此
欸爲刊刻鎮志及他善舉之用俟敷用卽議撤太守許之
遂於庚辰冬杪付梓孰意從弟已不及見矣

光緒八年歲在壬午夏四月里人陶煦子春氏謹識

周莊鎮志卷首


凡例



四



周莊鎮圖

周莊鎮志卷首

五







鯨魚鏗華鐘百八聲聞香衝破鶴林煙
耿々天光曉蕩水驚眠龍撼樹飛宿鳥
扶桑日初升空際白雲遠耳根證圓通
一悟萬緣了如何應却郭塵夢猶擾々

右金福曉鐘



周莊鎮志卷首

指歸春望




佛閣何崔巍春深足晚望披襟風日和
縱日川原曠萊花終布金步穩細搖浪
錦雲罨遠村紅雨漂新漲韶華能幾時
轉眼生惆悵彼岸示指歸恐人昧所向

右指歸春望



周莊鎮志卷首

鉢亭夕照



規江漁唱



周莊鎮志卷首

三

洗鉢懷雪公築亭悠游眺軒窗面清池
一抹留斜照林間鴉影翻天末霞光耀
遠山開畫圖吟客添詩料誦經感優曼
當日拈花笑心水閑滄桑禪心悟空妙

右鉢亭夕照



規江打魚舟載網時出沒款乃柔艣鳴
宛轉清歌發送響度前溪微風生蘋末
家依荻蒲鄉醉眠雲水窟只知天地寬
不愁波浪濶一曲入浦深呼起吳淞月

右規江漁唱



周莊鎮志卷首

三

南湖秋月



在遊南湖畔湖面如鏡平圓輝皎秋夕
 水月涵空明纖翳不能蔽此境真復清
 蚌珠與蛺蝶彩相關誰精瑩光騰星斗掩
 影射魚龍驚惜無海岸槎萬里乘風行

右南湖秋月



周莊鎮志卷首

丙

莊田落雁



翩、隨陽雁來自天一涯江南稻梁足
 何處不可家在田少人迹四圍叢叢葭
 呼聲此棲託增繳知無加半鉤遊新月
 數點飛落霞琴瑟如欲寫按譜翻平沙


右莊田落雁



周莊鎮志卷首

五

急水揚帆



急水匯衆流通走百瀆連櫓挂輕帆
乘風勢更速排舟雅聯行駛如馬逸足
斜拖出岫雲倒撲奔崖瀑前程縱無阻
歌側駭旁騰回看釣魚船安穩江干宿

右急水揚帆



周莊鎮志卷首

東莊積雪



散盡粟千倉積成雪萬頃荒草舊東莊
仍幻繁華景闌聳白銀高窗封雪母冷
瑤臺十二層咫尺皆仙境寒鴉晚不啼
老鶴杳還驚尋梅來陌頭思蔭敢於野

右東莊積雪

陶煦



周莊鎮志卷首

七

周莊鎮志卷一

里人陶煦重輯

界域

周莊鎮舊隸蘇州府長洲縣雍正三年縣分爲二遂隸元和鎮西偏兼隸吳江縣相傳爲宋廸功郎周君名佚其收獲設莊之所故名地屬元和之貞豐里鎮有貞豐橋故又名貞豐初係村落白金二十相公和隨宋高宗南渡僑居於此人煙漸密元季沈萬三秀之父祐由湖州南潯鎮徙居東垞始闢爲鎮前明遷肆於後港鎮西多墳墓鮮民居 本朝康熙間東西二柵俱成閘閘而後港寥落矣

鎮隸元和縣者十之八隸吳江縣者十之二隸元和者屬蘇臺

周莊鎮志卷一 界域

十一

鄉貞豐里南二十六都鎮東則一畝嚴字圩鎮中則二畝中江字圩鎮南則二畝南江字圩鎮北則三十六畝下江字圩隸吳江者屬久詠鄉二十八都鎮西則三十九畝北友字圩鎮西南則三十九畝化字兩圩東界大東垞港港東即隸松江府青浦縣南界南湖並新開河南岸即隸吳江縣西界投字港隸吳江縣北界急水港隸元和縣廣三里袤二里自鎮東至青浦之朱家角鎮三十六里至青浦縣城四十八里東南至青浦之金澤鎮二十里至章練塘鎮四十里南至吳江之莘塔鎮十二里至蘆墟鎮二十里西南至吳江之北庫鎮十八里至黎里鎮三十六里西至吳江之鹿村鎮十八里至

同里鎮二十七里至吳江縣城四十五里北至元和之陳墓

鎮十八里至六直鎮三十六里東北至崑山之楊搶涇鎮稱

洋湖四十里西北至蘇州府城之詩門六十里至江甯省城

六百里至京師二千七百八十里按元和縣志京師陸路四千七百八十里江南省城陸路五百里水路五百四十里今遵內府輿地圖及府志核計

附近六七里內之鄉村在鎮北及西北隅者曰耘田港曰南沙

港元和縣志曰廟浜曰趙浜曰繆浜曰韓鎮曰祈莊曰三朱

浜曰東田莊曰雙廟曰西田莊曰北田莊曰張家港曰林家

浦曰楊家浜曰高田浜曰七家浜曰蔡家浜曰荷花池曰王

家浜曰許家港曰陳家浜曰仙鶴漫在東北隅者曰錢王浜

周莊鎮志卷一 界域

二

曰白家浜曰質洞曰東管村曰黃家浜曰冷家灣曰賴村曰

秀王浜曰北錢王浜曰王家灣曰北朱家浜曰祝家田以上

俱隸元和縣在鎮東及東南隅者曰朱家浜曰道堂浜曰田

肚曰北聖浜曰匠人浜曰朱家河曰東張家浜曰王巷曰馬

家浜曰官字圩曰龍字圩曰蘆青灣曰南許曰北許曰車六

庫曰陸家灣曰四成址港元和青浦交界以上俱隸青浦縣在鎮西

及西北西南隅者曰江澤曰西蒲塘曰東投氣曰西投氣曰

黃泥浜曰陳許曰黃墩港曰雪巷曰北印曰蕭莊曰同字曰

長渠曰角字曰大港曰陳家浜曰南莊曰孫家浜曰潯陽灣

曰張家浜曰支潢浜曰任家灣曰吳家埭曰龍涇曰長浜曰